



	<p>KENYATAAN / SIARAN AKHBAR Untuk maklumat lanjut sila hubungi: Bahagian Komunikasi Korporat Perbadanan Putrajaya Tel: 03-8887 7033 Faks: 03-8881 1008</p>
---	---

GALAK KOMUNITI PUTRAJAYA GIAT HASILKAN PRODUK KRAF BERIDENTITIKAN PUTRAJAYA

PUTRAJAYA, 15 OGOS 2020 – Presiden Perbadanan Putrajaya (PPj), YBhg. Datuk Dr. Aminuddin Bin Hassim menyempurnakan Program Kraf Komuniti Ku (KKK) bertempat di Kompleks Kejiranan Presint 9, Putrajaya.

Turut hadir bersama ialah Timbalan Ketua Pengarah (Pembangunan), Puan 'Ainu Sham Bt Haji Ramli dan Pengarah (Seksyen Pembangunan Usahawan Kraf) Perbadanan Kemajuan Kraftangan Malaysia, Encik Abd. Rahman B. Omar.

KKK merupakan inisiatif prihatin PPj dalam memperkasakan penglibatan komuniti dalam penghasilan produk-produk kraf beridentitikan Putrajaya sekaligus dapat menjana pendapatan isi rumah terutama golongan sasaran seperti suri rumah, kumpulan B40 dan orang kelainan upaya (OKU). Program KKK merupakan penganjuran kali kedua yang dianjurkan oleh PPj dengan kerjasama Perbadanan Kemajuan Kraftangan Malaysia Cawangan Selangor & Wilayah Persekutuan.

Terdapat dua (2) siri yang akan berlangsung pada tahun ini. Siri pertama pada 15 & 16 Ogos adalah bagi penghasilan produk kraf jahitan *face mask* dan beg, siri kedua pula adalah pada 24 & 25 Oktober bagi penghasilan produk kraf sulaman riben. Seramai 60 orang peserta akan terlibat di dalam bengkel-bengkel ini.

Pada tahun 2019, program ini telah menarik seramai 50 penyertaan dan seramai lapan (8) orang peserta telah berjaya menjana pendapatan tambahan. Antara produk kraf yang dipelajari melalui program ini adalah produk jahitan *soft toys*, *travel set*, beg yang diserlahkan dengan imej bangunan-bangunan dan jambatan ikonik Putrajaya serta produk batik teknik ikat celup dan shibori. Produk ini telah dipasarkan melalui *outlet* di Karyaneka di Dataran Putra, Presint 1 sebagai cenderamata kepada pengunjung-pengunjung ke Putrajaya.

Perlaksanaan program ini juga meliputi inisiatif pembangunan produk kraf beridentitikan Putrajaya, makmal pengeluaran, jaminan kualiti serta pasaran/promosi yang dipantau dan dibantu oleh kedua-dua agensi. Ini bagi menyokong hasrat PPj

dalam merealisasikan *community based tourism* dan mewujudkan cenderamata beridentiti Putrajaya yang diusahakan oleh komuniti setempat.

Keterangan lanjut berhubung program Kraf Komuniti Ku (KKK), sila hubungi Pegawai Media PPj, Encik Mohd Fairus Bin Mohd Padzil ditalian 03-8887 7347 / 019-335 4346 dan Encik Mohamad Fitri Bin Norsalim ditalian 03-8887 7258 / 011-10688347.



(TENGGU AINA BINTI TENGGU ISMAIL SHAH)

Pengarah

Bahagian Komunikasi Korporat

b.p. Presiden Perbadanan Putrajaya

Tarikh: 13 Ogos 2020